

In le tracias del huracan

Bengt Enqvist



In le tracias del huracan

per Bengt Enqvist

Composition: Thomas Breinstrup

Photo del copertura: Sharon Ang, Pixabay

Publicate: octobre 2012

© 2005-2012 Bengt Enqvist e Union Mundial pro Interlingua

Tote derechos reservate. Iste texto es facite disponibile pro uso non-commercial solmente. Tote formas de re-vendita o re-distribution electronic o imprimate es prohibite sin permission in scripto. Nulle parte de iste publication pote assi esser reproducite, copiate, conservate in un systema de cercar o transmittite in ulle forma o per ulle methodo: graphic, electronic, mechanic, photographic, registrate sur disco o cassetta, transferite a bases de datos o in altere maniera sin permission in scripto. Es permittite citar in recensioni con indication del fonte.

Bibliotheca electronic **in interlingua**

www.interlingua.com

Le Bibliotheca electronic in interlingua es un collection de eLibros, redigite e publicate per le Union Mundial pro Interlingua (UMI), www.interlingua.com

In le tracias del huracan

Le octo de januario un huracan affligeva partes de Svedia. In le partes sud de Svedia, ubi io vive, le consequentias esseva grandissime. Alcun possessores de bosco perdeva 80 pro cento de lor arbores. In effecto alcun homines se suicidava, proque illes haveva perditte toto o quasi toto de lor labor durante forsan cinquanta annos, e multe personas non haveva assecurantia. Multe arbores cadeva in nostre bosco. Le arbores proxime a nostre casa cadeva al longe de nostre casa, e le damnos esseva limitate. Ma io debeva reparar le tecto.

Pro ascender al tecto io erigeva un scala. Al tecto io portava alcun machinas electric como serra, forator, et cetera. Pro assecurar le cordon electric io lo fixava al scala. Io comenciava le labor a un fin del tecto que es 13 metros longe. Lentemente io me moveva al altere fin del tecto, proque io debeva reparar tote le tecto. Naturalmente io haveva erigite le scala al prime fin del tecto. Quando io me moveva al altere fin del tecto, le cordon subito faceva le scala cader. Io lo videva, ma poteva facer nihil pro impedir lo.

Io esseva sol in casa. Ni un sposa ni un vicino qui poteva adjutar me. Io sapeva que mi sposa retornarea multo tarde. Il non faceva bon tempore. Le temperatura esseva bastante basse. Saltar del tecto esserea un salto mortal. Restar sur le tecto implicava esser refrigerate. Que facer?

Proxime al casa sta un arbore, un betula sin brancas. Io probava taxar le distantia al betula. Esque il esserea possibile saltar al betula, imbraciar le betula con bracios e gambas sin colpar le capite contra le trunco del betula, perder le conscientia e cader al terra, si vivente al minus con gambas e bracios rumpite?

Critar esserea inutile. Nos vive directemente in le bosco. Nulle vicino qui molesta, ma etiam nulle vicino qui pote adjutar. Io hesitava. Io haveva 73 annos e 20 kilos de troppo. Proque haveva io non probate perder peso? Io non haveva potite diminuer mi etate - ma mi peso. Vinti kilos minus haberea essite un differentia grandissime in iste situation.

Io probava le impeto e comprendeva que un impeto es impossibile sur le cresta de un tecto. Io vadeva como un anate. Io debeva facer un salto de longor sin impeto. Io rememorava que nos haveva facite isto quando io forsan haveva 15 annos e pesava 55 kilos. Que longor haveva le salto de longor sin impeto que io haveva potite facer in mi juventute? Io non rememorava. Io sentiva le frigidio, io hesitava. Que facer?

Subito io faceva le salto extendente mi bracios e gambas. Quando le corpore colpava le trunco del betula, io non perdeva le conscientia, ma imbraciava le trunco con bracios e gambas e glissava lentamente al terra firme.

Super le libro

Isto es le historia horripilante del hiberno quando veniva a Svedia un ver huracan. Isto es le historia personal del timor e terror que un svedese sentiva quando illo subito esseva la.

Le texto es scribite e esseva presentate per Bengt Enqvist (1932-2016), vice-presidente del Societate Svedese pro Interlingua, pro le session “Io vole narrar te...” al 17e Conferentia International de Interlingua in Åsa, Svedia, le 19 de julio 2005.

Interlingua es un instrumento practic de communication international. Milliones comprende interlingua immediate. Le prime libro de interlingua esseva publicate in 1951, quando le International Auxiliary Language Association (IALA) post 27 annos de studios scientific e lingual publicava “Interlingua-English Dictionary”.

Le Union Mundial pro Interlingua (UMI) es un organisation international, sin scopos lucrative, pro promover e diffunder le international lingua auxiliar interlingua, publicate in 1951 per le “International Auxiliary Language Association“ (IALA). Le Consilio de Administration es responsabile pro le functiones quotidian e strategic del UMI. Le UMI esseva fundate le 28 de julio 1955 in Tours, Francia, e esseva registrate como association no. 0911004931 al subprefectura de Étampes, Francia, le 3 de agosto 2006. Le UMI collabora con le organisationes national de interlingua.